

այլ ամենայն վաճառականք և արհեստաւորք աղքատացան, զի ոչ կարացին փախուցանել ինչ:

Ասեն թէ ի հնդստան եղեալ է մեծ երկրաշարժութիւն, և ծոփն բարձրացեալ և արկեալ է զնաւսն ի ցամաք. և կոխեալ է զգեղս ինչ. ընդ ամէնն իբր 1000 և աւելի անձինք մեռեալ են. դեռ որոշակի զստոյզն չիմացայ:...

1766 դեկտ. 18
ի ըստամպօլ

Ն. Ն. Հ. Յակոբոս վրդ. Չամչեանց. Մխիթարեան

ՄԿԷ.

Հրդեհ մը ևս ի Պոլիս:

Գերապատիւ և գերարգոյ Տեառն Տեառն Ստեփաննոս վարդապետի
Աբբայ հօր մերոյ ողջոյն աչա՛նամբոյր

... Երկու պէյլիկ նաւք ելին յառաջոյ թէրօխանային, և կացին ի բացի գնալ ի խըչլայ փոխանակ տօնանմային որ դարձեալ եկեալ էր ի քաղաքս ըստ սովորութեան. և ի գիշերին դիպուածով իմն անկաւ հուր ի միում ի նաւացն, և այրեալ պարան խարսխին սկսաւ նաւն գնալ աստ և անդ, և յերկոսին ափունս ծովուն նաւք բազումք բորբոքեցան աւելի քան զտասնևութ. բայց ի խնամոցն աստուծոյ, ոչ էր հողմ սաստիկ յայնմ գիշերի, և ոչ գոյր ճէպխանայ ի նաւսն, և միայն վեց այլ նաւք բաց ի նոյն պէյլիկէն այրեցան զլիսովին, իսկ այլք ըստ մասին ինչ. արկին հուր նաւքն նաև ի տունս տունս որք մօտ էին ի ծով, և այրեցան իբրև երեսուն և քառասուն բնակարանք, այլ ոչ յառաջեաց հրայրեացն որչափ կարծեցեալ լինէր, զի եթէ չէր օգնեալ տեառն, մարթ էր կոտտանդնուպօլսի և խալաթիոյ այրել միանգամայն: Այրեցաւ և քէօշք թագաւորին որ ի յայնալը խաւաթ: Յերկրորդում աւուր բազում ֆէրմանս արարեալ խնդրեաց թագաւորն զնաւապետն պէյլիկին այրեցելոյ պատուհասել զնա. բայց ոչ գտաւ, զի առժամայն մինչդեռ տակաւին բորբոքեալ վառէր նաւն չոքաւ թագեաւ այրն: Այլ յերրորդում աւուր ծնաւ թագաւորն զյանցանս նաւապետին: Եւ որպէս թուի, թագաւորն ոչ կամի առնել ուրեմն տօնանմայ, սակայն մեծամեծ ի պալատս իւրեանց առնեն զհանդէս խրախուժեան որդոյ թագաւորին: Ասեն թէ ձէզայիրն բացեալ է պատերազմ ընդ վէնէտիկեանց, և աստի էլչին վէնէտկոյ արգել զնաւսն վէնէտկոյ որ աստ էին զի մի՛ գնասցեն, մինչև անտի հրաման ինչ լինիցի:...

Յամի տեառն 1767
Յունվարի 14
[Կ. Պոլիս]

Նուստ ծառայ
Հ. Անանիա վրդպ. Մխիթարեան

ՄԿԸ.

Ասիկա է ականաւոր հայ ծանօթ անձնաւորութեան մը խոր յարզանքն ու համարումը դէպի Մխիթարեան Ուխտը: